


Pa un costo di 5.300.000 florin

SPORTZAAL DI COLEGIO ARUBANO TA BAY BIRA ESUN MAS MODERNO DI CARIBE



ORANJESTAD (AAN) -- DIARIO a conversa ayera mainta cu Ing. Ruel Marques y Ing. Iris Giel, Hefe y Warnemend respectivamente, di Binnendienst di D.O.W, tocante e desaroyo di construcion di e Sportzaal di Colegio Arubano cual lo bay carga e nomber di Compleho Deportivo Oranjestad.

Un obra sigur di suma importancia y cu lo bira un di e centronan deportivo mas moderno den e area di Caribe, y segun Ing. Giel ta indica e ta mas completo cu esun di Mariniers Kazerne. Posiblemente lo worde termina entre October y November di e aña aki.

Ing. Marques a splica DIARIO cu tin un retraso chiquito den e construcion pa motivo cu mester a coba e tereno pa nivela e superficie, loke tabata fundamental pa logra un bon obra. Di su banda, Ing. Iris Giel, e arquitecto cu a diseña e obra, y cu a worde encarga cu full e proyecto a duna un splicacion den terminonan tecnico riba e construcion, riba cual por tene un idea den e graficonan adjunto na e articulo aki.

E compleho deportivo Oranjestad ta bin adapta pa e practica di diferente deporte paden di e edificio, manera e.o., basketball, tennis, vol-

leyball, futbol di sala, etc., y tambe ta adaptable pa competencianan internacional. Ing. Giel ta splica cu e veld pa basket ta dividi den tres zaal. Nan ta separa di otro pa medio di dos "electrische scheidingswanden" cu ta bin di ariba ta baha cere full riba vloer. Di tal manera cu tres klas por haya les sin stroba otro, pero den caso di competencia internacional e muraya electronico aki por worde subi pa laga e veld den full su largura, di manera cu e publico den tribuna por wak e veld completo.

Pa yega na algo asina Ing. Giel a bay Hulanda pa haya diferente idea di e centronan deportivo cu tin aya, y asina por adapta algun na e proyecto pa Aruba.

En total, e obra completo lo tuma un extension di aproximadamente 2.769 m², pa un costo di 5.300.000,- Florin, financia pa Gobierno di Hulanda.

BON DISTRIBUI:

Manera Ing. Iris Giel a splica y muestra DIARIO e mapa, por ripara cu e ta consisti di un bon distribucion di espacio (den piso) y ta conta cu un entrada principal, y di banda e entrada pa e publico bay na halto na piso di tribune, cu ta dispone na banda di w.c pa

dama y cabayeronan. Esnan cu ta drenta e zaal pa haci sport ta drenta mey mey, y e zaal ta comunica cu un hang unda cu e estudiante (of deportistanan) por drenta e lugar pa baña y e kamber pa cambia paña, cual facilidad ta full equipa.

Tambe e compleho deportivo lo conta cu un kantor pa duna video, teoria, les di deporte, etc. Tambe tin su sala di masagekamber pa e instructornan.

Ademas e sportzaal aki ta bay conta cu dos deposito pa material, un grandi y un chiquito.

Na banda lo bin un "squashruimte" cu su respectivo baño y entrada priva y na e otro banda tin un sala equipa pa aparatonan (no grandi) pa bodybuilding, tambe cu su entrada priva y su respectivo toilet. Fuera di esey ta bin cu su cafeteria/cantina.

E idea su tras ta pa worde usa


despues di school y anochi, y logicamente nor falta e facilidad pa stacionamento di auto, pa e usuarionan di e sportzaal aki.

META: E meta di henter e proyecto aki, segun Ing. Marques, ta pa den dia alumnonan di Colegio Arubano (cual tin prioridad) haya les di deporte, y pa despues di 2'or otro school of organizacionnan por haci uso

di dje.

Otro school of organizacionnan mester paga huur pa use, y pa su maneho tin un stichting cu ta bay opera e Compleho Deportivo Oranjestad, separa for di Colegio, pasobra Colegio tin preferencia pa duna les di gimnasia.

Den articulo separa DIARIO ta amplia e informacion riba e proyecto aki cu ta den full construcion caba.



Muchanan di Aruba!

Traha un bunita 'pronkstuk' en relashon cu e celebrashon di e di 10 Aniversario di nos Status Aparte.


Boso 'pronkstuk' lo wordo usa como decorashon durante e programa "Purba den bo Cushina" di dia 18 di Maart.

Ta bai tin un ganador cu lo ricibi un waardebon di Boekhandel Van Dorp na balor di Afl 50,-.


E ganador lo wordo anuncia dia 18 di Maart durante e programa Purba den bo Cushina

E concurso aki ta pa muchanan te cu 12 anja.

Entrega bo pronkstuk cu nomber, adres, telefoon y edad prome cu dia 14 di Maart na CONSALES CASH & CARRY.



CONSALES Cash & Carry



TELEFONNAN DI DIARIO
26747- FAX 28551